

## "МУХАА"

Хүдөөдэ ажагуудаг Максар таабай городто байдаг хүбүүнэйдээ айлшалжа ерэдэг юм. Айлшалжа ерэхэ бүреэ аша басагандаа сүүмхээр дүүрэн бэлэг-сэлэг асардаг зантай. Тэрэнээ "Мухаа, Мухаа" гэжэ эрхэлүүлдэг юм.

Танитай нэгэ класста хамта һурадаг Сэсэг ерэбэ. Тэдэ хоёрой хэшээлдээ бэлдэжэ һуухада, таабайнь хандадаг янзаараа "Мухаа" гэжэ хэлэхэдэнь, Сэсэг ехэл гайхаан байгаа. Хойто үдэрынъ Сэсэг класстаа оромсоороо, үсэгэлдэр дуулахан шэнэ һониноо хэлэбэ:

- Битнай үсэгэлдэр угаа һонин юумэ дуулааб!
  - Юун тухай? Үтэр түргэн зугаалыш!
  - Манай Таня буряад нэрэтэй аад, тэрэнээ нюудаг юм байна. Би тиимэ һонин нэрэ оройдоо дуулаагүй ябааб.
  - Хэлыш, Сэсэг! Ямар тиимэ дуулдаагүй нэрэ байба гээшэб?
- Эгээл энэ үедэ Таня басаган орожо ерэбэ.
- Шимнай буряад нэрэтэй аад, юундэ тэрэнээ бидэнхээ нюугаад ябадаг хүмши? — гэжэ үхибүүд шааялдашаба.

— Үгы, намда буряад нэрэ хэншье үгөөгүй юумэл,— гэжэ Таня дарууханаар харюусаба.

Дүтэхэнэ байхан Сэсэг амаа барингүй хэлэжэрхивэ:  
— Үсэгэлдэр Танинда байхадамни, таабайниинь Танидаа "Мухаа" гэжэ байгаад оло дахин хандахан юумэл.

Буряад хэлэеэ һайнаар мэдэдэг Баатар:

- Ши, Сэсэг, түрэл хэлэеэ түл·мал мэдэдэг һаа, таабайн хэлэхэниие ойлгоогүй ха юмши. "Мухаа" гээшэшни хүнэй нэрэ бэшэ, харин багашуулые эрхэлүүлжэ хэлэхэн үгэ бшуу,— гэжэ нүхэдтөө ойлгуулжан юм.